

viro, naturali ordine pariat. Vid. Kromay. Theol. Posit. Polem. Art. III. de Christo, ἈΥΤΙΘ. II.

2.) *IMMANVEL non est ipse El.*

Vtinam nemo inter eos ipsos, qui Christiani appellari volunt, hac parte cum modernis Iudæis conspiret! quale quid reperire est h. l. in Ioh. Lud. de Wolzogeni *Christi. Unterweisung* / p. 69, 70, 55.

3.) *Filius DEI non est vere Filius hominis.*

Expressæ S. Scripturarum voci reclamant circa hoc mysterium Marcionitæ, cæterique, Docetæ dicti, qui non verum Corpus, sed externam hominis speciem, corporisque *Φάντασμα* ac spectrum Christo imposuere, quos non male *Tertull. Imaginarios Christianos* appellat, atque hoc argumento obruit: *Si Christi caro phantastica, tum & omnia per carnem gesta sunt.* Alios commemorare supersedemus, id tantum notantes, fuisse etiam inter Anabaptistas, qui ad hunc lapidem vehementer impegerunt; de quibus vide *Systematicos Scriptores, & Polemicos, e nostris; E Reformatis, maxime Clarissimi nominis Theologum Fr. Burmannum, Synopsi Theologiæ, &c. Tom. poster. Lib. V. Cap. II. §. 8. scq.*

4.) *Fidelibus sub V. Fœdere non fuit annuntiatus, ut verus summusque cum uno Patre DEVS.*

Diserte Smalcus, Præfat. Refutationis Franzii: *Iudeos V. Testamenti, inquit, ignorasse dogma Trinitatis, & Filii præexistentiam.* Cum quo consentanea dicunt reliqui. Vide ipsum Socinum, Libro suasorio, Cap. V. pag. 60. Ostorodum, Volkeliū, alios.

5.) Vide, quæ contra Spinozam supra, num. 5). *Po- rism. ad finem prænotavimus.*